

山下作屯輪貯糗糧山積匠石雲趨自製碑
刊于洞門之側上構層樓梵僮七十人以供
洒掃良田五百畝以贍齋儲在鎮二十餘年
封以王爵矣即本令丁卯屬屬墳化也

果州開元觀驗

果州開元觀接郡城頗為爽塏以形勝之美
選立觀額雖州使旋具結奉而制置之內猶
闕大殿州司差工匠及道流將沂嘉陵江於
利州上游採賣材木臨行道流工匠同夢有
人云朱鳳潭中有木可以用如此者三因
眾議曰夢兆如斯必有大商貨木沿江而至
可躊躇三五日以伺之或免遠適頗以為便
一匠曰吾於朱鳳山下江中尋之莫不有商
筏已到來否即往山下尋求潭水澄徹忽見
潭底有木因使善沉者鈎求得梓木十段構
成三階殿鍾樓經閣廊宇咸得周足又市靴
梵壇內有黃赤色者疑其火力未足棄而不
用信宿皆化為金起觀之費過於豐滿殿宇
既成將塑尊像又於白鶴山觀掘地得鐵數
萬斤鑄三尊鐵像佳高二丈今謂之聖像遠

近祈禱立有微驗起觀道流何氏家代豐足
今為曹族馬至今負販之徒錐刀求利者每
以三五日必詣聖像前焚香祈祐或關而
不精信者即貿易無利貨鬻不售焉

開州新浦花林觀祥異驗

開州新浦縣花林觀者乃邑民所居之地也
其家巨富門枕江岸開元年中民家裏起閣
異香滿庭光景朗徹紫氣連之四面瀾漫數
里其扉陰及江上皆奇花異木水心紅白蓮
花廣皆尺餘不窮其數神仙往來鸞鶴飛翥
移時方散邑中人只聞異香不覩花木神仙
靈鶴之事因以上聞以其宅為觀仍以花林
為名及創天尊之殿則異香光景之瑞如初
焉

道教靈驗記卷之二

道教靈驗記卷之三

常三

廣成先生杜九庭集
宮觀靈驗

劍絲白鶴觀蝗蟲不侵驗

晉右軍將軍王羲之劍川有二莊其東為金
庭觀西為白鶴觀相去七十餘里金庭則王
氏子孫百餘戶居焉有禿筆塚墨池劍匣並
在白鶴即太宗飛帛書類為州縣所寶觀之
水田周迴於觀側咸通秋中蝗蟲害稼江浙
彌甚里間田畝之間相聚驅之或震擊筆擊
銅器籜絲顯之衣書以及夕忘其寢味驚呼
斥逐猶不能免其害或集於田中雖千畝之
廣頃苗巨穗頃刻皆盡觀田有與居人之封
畛相接者有溝塍相隔者屈曲蒼紆犬牙相
半氏田皆盡殆無子遺觀田豐衍倍於常歲
其有植根於觀地之中莠秀民田之內蟲亦
不食時俗以為偶然爾洎明年地埔傷稼所
害尤廣而觀田復無所侵邑人乃蒸香潔齋
上報玄德矣

明州大寶觀山水不侵驗

明州大寶觀明皇賜額居龍潭之下前有溪澗觀居平林之中暑雨積甚則泥濘為患大

中初忽暴雨迅雷湍湍泛溢壞林摧岸將及殿宇泥波鼓怒濁浪如山勢不可避流至觀則十步以來殿中陰雲勃興大風振發吹激水勢蹴過前溪之中迴視地形高涌波上鐘樓大殿屹在林表自此觀基高顯夷墟無復霖淹泥塗之患矣

金州盤龍觀野火不侵驗

金州界甲口有古觀其名盤龍層壇危殿功頗宏壯迴廊房宇亦二十餘間常無道流時有遊僧棲止殿接荒徑叢叢極深中和年駕駐蜀川都城未復郡控諸谷觀當要衝戶口流移入烟曠絕忽寒風動燒飛焰四山衝森怒勢燎及簷隙巨木為燼曾不斯須繞壇茅棘亦無遺者唯古殿廊屋歸然皆存四壁之上都無塵煤之跡火滅之後數日方有行人見之深入谷中訊諸父老不知所撲滅者何人也所焚燎者何時也相與視之大駭曰此谷中干戈之前人戶比屋頃值離亂奔竄諸

山警毒伏藏路僅絕固無居人助賊巨焰矣假使人力所救常有撲滅之跡今則周熱壇庭深達皆非人力之所能蓋真靈保持神明嚴衛耳自是諸溪僑寓及山谷居人感其靈應相率締葺焉

東川置太一觀驗

中和年駐蹕全蜀尋赴上京東川節度使楊師立稱兵內侮封壤咫尺密邇行朝有軫於聖念命成都大將高仁厚帥土客諸軍討平之時三蜀久安公私豐贍輟山積雖城壘之小可以力抗王師累月而後拔其有為醜孽驅迫朋惡吹亮不能捨亡圖存轉禍為福者或交鋒勦戮或乘勝誅鋤殺傷衆且委尸草莽盡骨溝隍固亦多矣凱還之後常聞鬼哭之音昏瞑即興陰險尤甚亦有見怪於廊間呼嘯於道途居人感之相與驚懼時朝廷酬賞仁厚節制東川無安疫瘵仁厚乃於中軍舊寨造太一萬勝觀寫殿宇既成夜哭之聲息矣聖玄元太一之像已畢仁厚夢黑雲如蓋冠覆山頂俄而變為五色煙霧中有

絲竹之聲山下之人男女老幼皆隨煙霧騰躍而散自是光怪遽絕間并頓安

均州白鶴觀野火自滅驗

均州鄖鄉縣南川中涉漢江入川十里許得白鶴觀却倚橫山俯窺平陸林麓幽邃殿

崇高亦佳致也古老云天皇大帝封樺東嶽鶴集於封壇之上救天下置觀以白鶴為名有馮逸人開元中棲息焚修進道於此一旦解形而去及襄漢寓書與其門人鄉里知其得道塑像存焉咸通末以久無道流佳持屋宇頽圯三門古殿與廊廡連接纔二十許間外無垣牆編蒙蒿篠忽為野火焱焰迴風激衝直至簷砌之下里人望之驚奔來救俄於簷窗之內迸水懸流沃滅其火而晴景不改風雨不施化水祛災繫乃神力矣乾符已年歲因遊訪靈跡觀亦儼然有老叟話茲靈應管紀其祥異題於殿壁是歲老叟亦將譏其修焉

安邑崔相夢潛丘臺觀驗

北都潛丘臺有古觀焉像設精嚴樓臺宏麗

地形顯敞迥出於郡城之中制創多年久無
崇茸風號雨漬日以傾推相國崔公彥昭嘗
夢野步幽至古臺之下翹首仰望其上有
紫氣氤氳祥光四照無登躡之路良久復聆
天樂茹蕭之音尋訪之意彌切但四隅斗絕
咫尺萬里忽前有金橋如梯層級寬博球攀
梯而上中路三四級板闌欄推躋攀木得即
見巨手金色引指而接之公握指未半已登
臺上矣徘徊四顧唯古殿欲摧荒壇蓋沒歎
嗟數四復到天尊之前認金橋乃座前之橋
耳金手乃天尊之手耳不復聞天樂之聲亦
絕紫氣之象因言曰豈天尊有所付囑耶何
變化如此也天尊忽言曰子即居此地無忘
摧殘也俄而驚覺旬日受北都留守劉鎮基
月恍恍然似有所失似有所疑因命竈縱遊
用據其志閒潛丘臺不遠造而觀焉唯古殿
摧殘深草煙囂乃瞻拜天尊見儀像侍衛宛
若曾所遊觀徐視座前金橋在焉欄折板斷
矣復脫金臂及指皆醒然頓寤即前之所夢
也施俸金募工役革故之弊鼎新其宇惟殿

之且久惜其古制增修而已其餘垣墻廊宇
壇庭門房園積丹楹諸王金翠靡不畢備焉
締構之功香花之獻雖為一時之盛也

劉瞻相夢江陵真符玉芝觀驗

相國劉公瞻南遷交趾道過江陵既登扁舟
將欲解纜迴首道左見像設甚嚴而朽殿傾
圮問其名即真符玉芝觀也入門昇階拜手
階視是夕舟中夢青童前導登大山之上松
徑連延崖巖奇秀芳芝幽草好鳥靈花燦然
在目行一里許見元始天尊坐寶花座上瞻
仰眸容乃王芝殿中天尊也拜祝曰某得罪
聖朝竄逐迅速非敢有怨但祈生還爾天尊
曰爾之青簡列於方諸夫何憂於世難乎再
居相位而後得道自此齋一向戒三日則靈
隙瘴海魑魅之鄉無所憚矣辰未已午與子
為期也自是劉公南征至湖嶺間所在藩方
遺問相繼旋得金帛安信於荆帥持創天尊
殿齋廳廊宇選精介赫之士以居之於是
再徵入掌釣軸泊厭俗棄世果符夢中之言
歲辰亦無爽矣

李蔚相修汴州玉芝觀驗

李相國蔚擁旄汴州兼太清宮使每翹心玄
關思真念道一夕夢野步郊外叢薄間見奇
光五色中有天尊像俯光半缺手握玉芝芝
狀如白蓮花而圓莖脩細芝有八秀歷歷詳
記注于心目翌日因送賓出郊顧見有道像
暴露問其所即玉芝觀也相國異之迴鑣而
禮謁發秀盈庭蕭蕭蔽路披榛而後進所觀
尊像與夢同焉雖不握玉芝而名與夢協遂
廣加崇飾焉巨殿森沉飛煥赫齋宮講肆
月精霜壇前闕通街雄臨郭郭為藩方之壯
觀焉噫開元皇帝尊祖奉先就玄味道精誠
上徹禎貺下通得真符於靈峯產玉芝於內
殿因敕大鎮重地置觀以真符玉芝為名封
太白山為靈應公改革陽為真符縣上瑞已
彰於昔日嘉徵復顯於茲辰所以相國名臣
皆符言夢夷門詣官之完葺自非大道應靈
其孰能與於此乎

鄭畋相國修通聖觀驗

寧州真寧縣通聖觀即開元皇帝夢二十七

真得刻石真像之所置也歲祀寢深旋已摧毀邊徼素蒙道流繕修之事固已曠絕矣相國司空鄭公暉登庸之年偶嘗遊禮賦詩三十韻以紀其故實亦與祝曰異日官達必莫增修洎入掌絲綸尊居鈞軸萬幾少暇前願都忘一夕夢遊洞府之中羣仙賞訖奏鈞天廣樂以恣嬉遊俄而愴節羽衛自天而下使者一人帝曰太上有命徵還上清於是羣仙或控鳴鶴或駕飛龍騰躍而去相國亦欲振袂驚飛一仙人迴首笑曰第畢真寧之願然後可此來爾既覺醒憶真寧修觀之事乃輟鼎食之資為締構之費郊帥李尚書偁命都校以董其事十旬而靈觀鼎新矣相國嘗語斯夢以為洞天者羅川之洞也羣仙者二十七真也驚其忽忘想此巨功信大道之明徵矣

段相國修仙都觀驗

忠州豐都縣平都山仙都觀前漢真人王方平後漢真人陰長生得道昇天之所蕪復既久基址僅存晉代高先生首為崇構太元中

姚泓再加繕飾其後梁隋共善國朝雖修華閣翔虛丹簷照日黠荆梓蜀元以重臣或弭棹登臨必命修葺相國鄒平段文昌旅寓之年適迴峽內時因登洞炷香稽首祝於二真曰苟使官達粗脫棲遲必有嚴飾之報自是不十歲擁旌江陵視事之夕已注念及此儀夢二真仙若平生密友引公登江渚之山及頂乃陰君洞門矣二真亦不復見翌日施一月俸錢修觀宇一月俸為常住本錢常伴繕完以答靈貺矣

蓋屋縣樓觀驗

樓觀者周原王大夫尹喜宅也在京兆蓋屋縣神就鄉開仙里居終南之陰觀內有周穆王秦始皇漢武帝所置殿宇及秦始皇墨跡尹喜靈井老君芝草樹昇天臺晉宋謁板秦漢銘記歷代存焉大唐將受命義師起於河東觀內有赤光屬天者六七夜廣明庚子寇犯長安觀中有光如義寧之歲近車駕幸鳳翔蓋屋將陷觀中復有光景之異由是避難士庶多投觀中靈跡歸然人莫敢犯高祖時

賜號宗聖觀焉
通教靈驗記卷之三